



Broj: 03-11-7-193-2 /22

Datum: 21.02.2022. godine

Na osnovu člana 64. stav 1. tačka b), člana 70. st. 1, 2, 3. i 6. Zakona o javnim nabavkama Bosne i Hercegovine („Sl. glasnik BiH“, broj 39/14), člana 6. i 7. Pravilnika o direktnom sporazumu („Sl. glasnik BiH“, broj 90/14), te člana 7. Pravilnika o direktnom sporazumu Agencije za državnu službu Federacije BiH, broj: 01-02-2-33/15, od 02.02.2015. godine, direktor Agencije za državnu službu Federacije Bosne i Hercegovine, d o n o s i

ODLUKU o dodjeli ugovora

Član 1.

Prihvata se ponuda ponuđača „QSS“ d.o.o. Sarajevo, broj: PPON22-0112 od 17.02.2022. godine, za nabavku usluga zakupa Virtuelnog podatkovnog centra za period od 12 mjeseci i Ugovor za javnu nabavku usluga zakupa Virtuelnog podatkovnog centra, za period od 12 mjeseci, dodjeljuje se ponuđaču „QSS“ d.o.o. Sarajevo, za ponuđenu cijenu od **5.982,00 KM**, bez PDV-a, odnosno **6.998,94 KM** sa PDV-om.

Član 2.

Prijedlog Ugovora za javnu nabavku navedenih usluga dostavit će se na potpis izabranom ponuđaču.

Član 3.

Za izvršenje ove odluke zadužuje se Odsjek za računovodstveno-finansijske poslove i Odsjek za informatičko-analitičke poslove.

Član 4.

Ova Odluka objavit će se na web-stranici Agencije www.adsfbih.gov.ba istovremeno sa upućivanjem iste ponuđaču koji je sudjelovao u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova Odluka stupa na snagu danom donošenja.

Obrazloženje

Postupak javne nabavke usluga zakupa hosting prostora-Virtuelnog podatkovnog centra za Agenciju za državnu službu FBiH, za period od dvanaest mjeseci, pokrenut je Odlukom o pokretanju postupka javne nabavke, broj: 03-11-7-193/22 od 16.02.2022. godine. Javna nabavka je pokrenuta putem direktnog sporazuma.

Procijenjena vrijednost javne nabavke bez PDV-a je 6.000,00 KM.

Zahtjev za dostavljanje ponuda prosljeđen je na dvije adrese, i to: QSS d.o.o. Sarajevo i BH Telecom d.d. Sarajevo. Ponudu su dostavila oba ponuđača.

Uposlenici Odsjeka za informatičko-analitičke poslove, zaduženi za provođenje postupka nabavke, utvrdili su da je ponuda ponuđača QSS d.o.o. Sarajevo, u skladu zahtjevima iz specifikacije ugovornog organa, te je u konkretnom postupku nabavke, a uzevši u obzir kriterij „najniža cijena“ izabrana kao najprihvatljivija.

Kako ponuda ponuđača QSS d.o.o. Sarajevo ispunjava sve postavljene uvjete Ugovornog organa, nakon izvršene ukupne ocjene, izabrana je u predmetnom postupku javne nabavke.

Iz navedenih razloga, odlučeno je kao u dispozitivu.

Dostavljeno:

- QSS d.o.o. Sarajevo
- u spis predmeta
- a/a

DIREKTOR

Refik Begić, magistar uprave